

Broj: 01-04-6-02267-9/2022

Sarajevo, 12.7.2022. godine

Na osnovu čl. 70. stav (1), 88. i 89., Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja Preporuke Komisije za javne nabavke broj 01-04-6-02267-8/2022 od 8.7.2022. godine, Direktor Federalne uprave za inspekcijske poslove u ime ugovornog organa, donosi

O D L U K U

o dodjeli ugovora o nabavci roba – toneri i ketridži

I

Prihvata se preporuka Komisije za javne nabavke broj 01-04-6-02267-8/2022 od 8.7.2022. godine, te se Ugovor o javnoj nabavci roba – toneri i ketridži dodjeljuje se ponuđaču „Crobox“ d.o.o. Sarajevo, čija ponuda broj 01-0624-00/22 od 24.6.2022. godine je ocijenjena najpovoljnijom.

II

Ugovor sa ponuđačem „Crobox“ d.o.o. Sarajevo, zaključit će se pod slijedećim uslovima:

- ukupna cijena ponude: 38.363,26 KM bez uračunatog PDV-a, odnosno sa uračunatim PDV-om 44.885,01 KM
- rok plaćanja: 30 dana od dana prijema fakture na protokol ugovornog organa u skladu sa budžetskim načinom plaćanja po jediničnim cijenama ponuđenim u Prilogu 2 Tenderske dokumentacije
- ugovor će se zaključiti na period od 1 (jedne) godine dana od dana zaključenja istog od ugovornih strana, odnosno maksimalno do vrijednosti zaključenog ugovora;
- rok isporuke: kontinuirano u periodu trajanja ugovora, prema potrebama i pojedinačnim narudžbama ugovornog organa u roku od najduže 3 (tri) dana od dana prijema narudžbe, u sjedište ugovornog organa, u ulici Fehima ef. Čurčića broj 6 Sarajevo.

III

Ponuđač „Crobox“ d.o.o. Sarajevo, je dužan ugovornom organu u roku od 5 (pet) dana od dana prijema ove odluke dostaviti:

- dokaze izdate od strane nadležnih organa, kojim dokazuje da ispunjava uvjete u pogledu lične sposobnosti (član 45. stav (1) tačke a) do d) Zakona o javnim nabavkama Bosne i Hercegovine),
- dokaz o ispunjavanju uvjeta ekonomske i finansijske sposobnosti (tačka 3.9. TD)
- uzorke roba za uređaje pod rednim brojem 4. (printer Canon LBP 6300 DN), rednim brojem 5. (printer HP 501DN) i 16. (mobilni printer HP 470, 100) s tim da će se dostavljeni uzorci smatrati sastavnim dijelom isporuke navedenih roba.

Dokumenti čije se dostavljanje zahtjeva prethodnim stavom ovog člana moraju biti originali ili ovjerene kopije i ne mogu biti stariji od 3 (tri) mjeseca računajući od dana dostavljanja ponude.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

IV

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Odlukom direktora uprave broj 01-04-6-02267/2022 od 6.6.2022. godine pokrenut je postupak konkurentskog zahtjeva za dostavljanje ponuda uz primjenu e-aukcije za nabavku roba toneri i ketridži.

Dana 9.6.2022. godine izvršeno je objavljivanje obavještenja o nabavci na Portalu javnih nabavki, broj obavještenja 1292-7-1-10-3-8/22.

Istovremeno sa objavljivanjem obavještenja zahtjev za dostavljanje ponude je upućen na adrese 5 potencijalnih ponuđača, u skladu sa članom 88. stav (1) Zakona o javnim nabavkama BiH. Nabavka je predviđena Planom nabavki Uprave za 2022. godinu, robe redni broj 2, a procijenjena vrijednost nabavke je 28.000,00 KM bez PDV-a.

U terminu utvrđenom obavještenjem o javnoj nabavci i tenderskoj dokumentaciji dana 27.6.2022. godine izvršeno je javno otvaranje blagovremeno pristiglih ponuda, kojom prilikom je konstatovano da su ponude dostavili ponuđači, po cijenama datim u slijedećoj tabeli:

Naziv/ime ponuđača	Ukupna cijena ponude bez PDV-a	Popust
„ALF-OM“ d.o.o. Banja Luka	39.121,50 KM	Ne
„Crobox“ d.o.o. Sarajevo	38.363,26 KM	Ne

Javnom otvaranju ponuda nije prisustvovao niko od predstavnika ponuđača.

Nakon javnog otvaranja ponuda Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata. Pregledom i analizom dokumentacije koju su dostavili ponuđači, a koja je propisana u tenderskoj dokumentaciji Komisija je utvrdila da su ponuđači dostavili dokumentaciju traženu tenderskom dokumentacijom.

Komisija je izvršila provjeru računске ispravnosti dostavljenih ponuda, te tom prilikom nije konstatovala računске greške u ponudama bilo kojeg od ponuđača.

Postupak e-aukcije je zakazan za dan 30.6.2022. godine, sa početkom u 10,00 sati. Komisija je izvršila uvid u izvještaj o toku i završetku e-aukcije u kojem je konstatovano da je e-aukcija uspješno okončana u 10,10 sati, te da su ponuđači ostali kod svojih inicijalnih ponuda, odnosno da u postupku e-aukcije nisu vršili umanjena cijena

Komisija konstatuje da je u Izvještaju o toku i završetku e-aukcije, konstatovana slijedeća rang lista ponuđača koji su učestvovali u postupku:

Naziv /ime ponuđača	Cijena sa otvaranja (bez PDV-a)	Evaluirana cijena (KM)	Umanjenje cijene u %	Rang
„Crobox“ d.o.o. Sarajevo	38.363,26 KM	38.363,26 KM	0 %	1
„ALF-OM“ d.o.o. Banja Luka	39.121,50 KM	39.121,50 KM	0 %	2

Obzirom da je Planom nabavki Uprave za 2022. godinu za nabavku predmetnih roba obezbjeđeno 28.000,00 KM, što predstavlja i procijenjenu vrijednost nabavke, zatraženo je od nadležnog sektora Uprave da dostavi izjašnjenje po pitanju mogućnosti obezbjeđenja dodatnih sredstava za ovu nabavku. Pri tome je Komisija cijenila trenutno stanje na tržištu i nepredviđena povećanja cijena tonera i ketridža, te da nije objektivno za očekivati da bi u ponovljenom postupku nabavke došlo do umanjena ponuđenih cijena. Isto tako je konstatovano da su navedene robe neophodne za normalno funkcionisanje Uprave, te da je ugovor koji je 2021. godine zaključen sa najpovoljnijim ponuđačem istekao.

Nakon što je od nadležnog sektora Uprave dobijeno mišljenje da je nedostajuća sredstva moguće obezbjeđiti internom raspodjelom sredstava, Komisija je uvažavajući sve naprijed navedene okolnosti direktoru Uprave dostavila preporuku broj 01-04-6-02267-8/2022 od 8.7.2022. godine, kojom je predloženo da se ugovor dodijeli ponuđaču „Crobox“ d.o.o. Sarajevo.

Obzirom da „Crobox“ d.o.o. Sarajevo u okviru svoje ponude nije dostavio dokumentaciju kojom dokazuje da ne postoje smetnje propisane odredbom člana 45. stav (1) tačke a) do d) Zakona o javnim nabavkama Bosne i Hercegovine, članom III dispozitiva ove odluke je obavezan da u roku od 5 dana od dana prijema odluke dostavi navedene dokaze, kao i uzorke roba za uređaje pod rednim brojem 4. (printer Canon LBP 6300 DN), rednim brojem 5. (printer HP 501DN) i 16. (mobilni printer HP 470, 100), s tim da će se dostavljeni uzorci smatrati sastavnim dijelom isporuke navedenih roba, shodno ugovoru koji će ugovorni organ zaključiti sa izabranim ponuđačem.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste.



DIREKTOR
Anis Ajdinović

Dostaviti:

1. ALF-OM d.o.o. Banja Luka, Poslovna jedinica Istočno Sarajevo, V. R. Putnika broj 38, 71123 Istočno Sarajevo
2. „Crobox“ d.o.o. Sarajevo, Franjevačka 6, 71000 Sarajevo
3. Sektor za materijalno-finansijske i tehničke poslove
4. Sektor za tehničku podršku i plansko-analitičke poslove
5. Komisija za javne nabavke (a/a).

